



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Na osnovu čl. 64. stav (1) i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

ODLUKU
o izboru najpovoljnijeg ponuđača

Član 1.
(Predmet odluke)

Ugovor o javnoj nabavci za izvođenje radova za gasnu kotlovnicu, dodjeljuje se ponuđaču **Unigradnja d.d. Sarajevo.**

Član 2.
(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-1-3-24-3-5/18 od 24.01.2018. godine i 435-1-3-24-8-10/18 od 12.02.2018. godine. Primljene je jedna ponuda ponuđača Unigradnja d.d. Sarajevo.

Članovi Komisije za javne nabavke imenovani Odlukom o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopunom Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine članovi Komisije (u daljem tekstu: Komisija), izvršili su pregled i ocjenu ponuda (Zapisnik o pregledu i ocjeni ponuda i izvještaju o radu Komisije) i utvrdili da ponuda ponuđača Unigradnja d.d. Sarajevo ispunjava zahtjev u pogledu opisa predmeta nabavke i tehničke specifikacije.

Ponuđač Unigradnja d.d. Sarajevo je u svojoj ponudi naznačio da će i koji dio ugovora dati podugovaračima.

Podugovarači su sljedeći:

1. Mountain d.o.o. Sarajevo, adresa: Binježevo bb, Hadžići, IDB:4200181350001, transakcijski račun, broj: 1610000047020082 Reiffeisen bank d.d.
Mountain d.o.o. Sarajevo će vršiti izvođenje radova za mašinske instalacije.
2. Proteam d.o.o., adresa: Silve Rizvanbegović bb, Sarajevo, IDB: 4201300320007, transakcijski račun, broj: 1610000110190071 Reiffeisen bank d.d.
Proteam d.o.o. će vršiti izvođenje radova za elektro instalacije.

Izabrani ponuđač je dužan za podugovarače dostaviti rješenja o registraciji ili aktuelni izvod iz sudskog registra kojim se dokazuje njegovo pravo da obavlja profesionalnu djelatnost, koja je u vezi s predmetom nabavke, odnosno dijelom koji se podugovara, u roku od deset dana od dana prijema Odluke o izboru.

Izabrani ponuđač je dužan prije početka realizacije podugovora dostaviti ugovornom organu podugovor zaključen s podugovaračem, kao osnov za neposredno plaćanje podugovaraču, i koji kao obavezne elemente mora sadržavati sljedeće:

- a) radove koje će izvesti podugovarač;
- b) predmet, količinu, vrijednost, mjesto i rok izvršenja podugovora;
- c) podatke o podugovaraču, i to: naziv podugovarača, sjedište, JIB/IDB, broj transakcijskog računa i naziv banke kod koje se vodi.

Kriterij za dodjelu ugovora je najniža cijena tehnički zadovoljavajuće ponude.

Procijenjena vrijednost predmeta nabavke iznosi 20.698,60 KM, bez uključenog PDV-a. Cijena ponude bez PDV-a jedinog ponuđača Unigradnja d.d. Sarajevo iznosi 22.650,21 KM, ponuđač nije ponudio popust. Navedena cijena ponude je u iznosu višem od procijenjene vrijednosti nabavke.

Tražena je informacija od rukovodioca Odjela za materijalno-finansijske poslove Tužilaštva BiH, da li Tužilaštvo raspolaže sredstvima koja su potrebna da bi se prihvatila ponuda iznad procijenjene vrijednosti, a koja ispunjavaju zahtjeve u pogledu opisa predmeta nabavke i tehničke specifikacije. Rukovodilac Odjela za materijalno-finansijske poslove Tužilaštva BiH obavijestila je Komisiju za javne nabavke da je moguće utrošiti više sredstava od planiranih za izvođenje radova za gasnu kotlovnicu. Shodno navedenom, ponuda ponuđača Unigradnja d.d. Sarajevo se smatra prihvatljivom.

Komisija je konstatovala da je ponuđač **Unigradnja d.d. Sarajevo** ponudio najnižu cijenu tehnički zadovoljavajuće ponude.

Shodno navedenom, Komisija je uputila preporuku v.d. glavnog tužioca Tužilaštva-Tužiteljstva BiH za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: A-45-9/18

Datum: 14.03.2018. godine

Dostavljeno:

- Ponuđaču,
- Odjelu za materijalno-finansijske poslove.

